

К ОПУБЛИКОВАНИЮ

КОМИ РЕСПУБЛИКАСА ВЕСЬКӖДЛАН КОТЫРЛӖН ШУӖМ

Коми Республикаса олан пунктъясын пӧжарысь видзчысян торъя режим йылысь

Сыкӧд йитӧдын, мый Коми Республика мутасын лоасны температура режимын вежсьӧмъяс да сувтас плюса климат температура, да сы могысь, медым могмӧдны олан пунктъясын пӧжарысь видзчысянлунсӧ, «Пӧжарысь видзчысянлун йылысь» Федеральнӧй оланпаслӧн 30 статья, «Коми Республика мутасын пӧжарысь видзчысян юкӧнын ӧткымын юалӧм йылысь» Коми Республикаса Оланпаслӧн 2 статьяса мӧдӧд юкӧнлӧн 10² пункт да Россия Федерацияын пӧжарысь видзчысян режим правилӧяс серти, кутшӧмъясӧс вынсьӧдӧма Россия Федерацияса Веськӧдлан котырлӧн 2020 во кӧч тӧлысь 16 лунся 1479 №-а шуӧмӧн, Коми Республикаса Веськӧдлан котыр шуис:

1. Индыны пӧжарысь видзчысян торъя режим Коми Республикаса Веськӧдлан котырӧн сійӧс дугӧдӧм йылысь помшуӧм примиттӧдз:

1) «Сыктывкар» кар кытшлӧн муниципальной юкӧнса, «Ухта», «Вуктыл», «Княжпогост» муниципальной кытшъяслӧн муниципальной юкӧнъясса, «Изва», «Койгорт», «Кӧрткерӧс», «Печора», «Луздор», «Сосногорск», «Сыктывдін», «Сыктыв», «Мылдін», «Удора», «Емдін», «Кулӧмдін», «Чилимдін» муниципальной районъяслӧн муниципальной юкӧнъясса олан пунктъяслӧн мутасъясын 2024 вося лӧддза-номъя тӧлысь 7 лунсянь;

2) «Усинск», «Инта», «Воркута» муниципальной кытшъяслӧн муниципальной юкӧнъясса олан пунктъяслӧн мутасъясын 2024 вося лӧддза-номъя тӧлысь 21 лунсянь.

2. Пӧжарысь видзчысян торъя режимлӧн вына кадколаст кезлӧ индыны Коми Республикаын олан пунктъяслӧн мутасъясын пӧжарысь видзчысянлун серти содтӧд корӧмъяс:

1) пыртны овмӧдчӧминъяслӧн, муниципальной кытшъяслӧн, кар кытшъяслӧн мутасъясын, гражданаӧн асланыс могъяс вылӧ сад либӧ град выв пуктас вӧдитан мутасъясын (водзӧ – сад либӧ град выв пуктас вӧдитан мутас), видз-му овмӧс тӧдчанлуна муяс да запасӧ пырысь муяс вылын биӧн уджъяс нуӧдӧм вылӧ кутӧд, аварияяс бӧрын дзоньтасян уджъяс нуӧдӧм кындзи;

2) йӧзлысь дзоньвидзалун видзан, велӧдан, социальнӧя доръян объектъясӧн юрнуӧдысьяслы, кӧні сутки чӧж олӧны йӧз, могмӧдны пӧжарнӧй охраланӧн юкӧдулӧ, кодлӧн петанін дорын меститчӧ доръян объектыс, доръян объектын меститчысь (сы лыдын войнас) морт (пациент) лыд йылысь юӧр быд лун сетӧм.

3. Вӧзйыны Коми Республикаын меставывса асвеськӧдлан органъяслы:

1) котыртны пöжарысь видзчысян содтöд ышöдöм, кутшöмöс веськöдöма пöжарысь видзчысян торъя режимлөн условиеясын быть колана корöмъяс торкалöмьсь видзчысьöм вылö, сиктса олан пунктъяслысь старöстаясöс корöмөн;

2) лöсьöдны чина йöзлысь уджалан пöрадоксö сэк, кор вöрса пöжаръяс да мукöд ландшафтнöй (вöр-ва) пöжарыс вермöны вуджны олан пункт вылö, сы лыдын олысьясöс тöдмöдöм, вынсьöдöм маршрутъяс серти эвакуациясö котыртöм, олысьясöс мыйкöдыра кeжлö овмöдан пунктъясөн вöдитчöм серти;

3) урчитны олан пунктъяслөн мутасьясын пöжарысь видзчысьöм могысь ваён могмöдан ортыса содтöд öшмöсьяс, а сідзжö олан пунктъясын естественнöй да вöчöм ва öшмöсьяс дорö пыранінъяс лöсьöдöмсö;

4) котыртны жыръясын да стрöйбаясын, кутшöмъяс пырöны граждaналөн эмбурö (вöдитчöмö), пöжар кусöдан медколана средствояслөн да пöжарысь видзчысян инвентарлөн коланлун йылысь олысьяскöд гөгöрвоöдана удж нуöдöм.

4. Вöйыны Коми Республикаын меставывса асвеськöдлан органъяслы, организацияслы, кодъяс кутöны кийн вöркöд орчча мутассö, вöдитчöны да (либö) веськöдлöны сыөн:

1) дасьтыны ва ваян да му кодъян техника, кутшöм эм, сы могысь, медым пöжаръяс (видз-му овмöсса пальяс) кусöдигөн вöлі позянлун сыөн вöдитчыны. Лöсялана веськöдлан документын индыны сійöс кыскан пöрадоксö;

2) котыртны дежуритöм да патрулируетöм:

а) профилактика серти группаяслысь, асвöляа пöжарнöйяслысь, граждaналысь, кодъяс олöны лöсялана муниципальнöй юкөнлөн мутасын, - лöсялана муниципальнöй юкөнъяслөн мутасьясын, сад либö град выв пуктас вöдитан мутасьясын;

б) организациясса уджалысьяслысь – организацияслөн мутасын;

3) могмöдны пырся (тöлысьнас кыкысь оз этшаджыкысь) пöжарысь видзчысян минерализуйтöм визьяслөн (пöжарысь видзчысян барьерьяслөн) серпас бöрся видзöдöмсö да жугöдöм дырйи найöс дзоньталöмсö.

5. Вöйыны Ветеринарнöй да фитосанитарнöй дöзьöр серти федеральнöй службалөн Североморскса дінмукостса веськöдланінлы нуöдны содтöд мероприятияс, кутшöмъясöс веськöдöма видз-му овмöс тöдчанлуна муяс вылын быть колана корöмъяс торкалöмьсь öлöдöм вылö.

6. Вöйыны Канмусянь пасьян, кадастр да картография федеральнöй службалөн Коми Республикаын веськöдланінлы нуöдны содтöд мероприятияс, кутшöмъясöс веськöдöма му оланпастэчаслысь быть колана корöмъяс торкалöмьсь öлöдöм вылö, сы лыдын торъя мог серти му участкисөн вöдитчöм йылысь, а сідзжö муяссö торъя мог серти вöдитчöм вылö лöсьöдöм серти.

7. Тайö шуöмсö олöмö пöртöм бöрся видзöдны Коми Республикаса Веськöдлан котырöн Юрнуöдысьöс вежысьлы, кодi кывкутана могъяс юклöм серти ладмöдö Коми Республика мутасын войтырöс доръян, пöжарысь видзчысян, олысьясöс да мутасьяс неминучаясысь видзан юкöнын öтувъя канму политика збыльмöдан юалöмъяс серти Коми Республикаса олöмö пöртысь власът органъяслысь уджсö.

8. Тайö шуöмыс вынсялö сiйöс официальнöя йöзöдан лунсянь.

Коми Республикаса Веськöдлан котырöн
Юрнуöдысьöс Медводдза вежысь

Э. Ахмеева

Сыктывкар
2024 вося лöддза-номъя тöлысь 6 лун
239 №